



何大復先生集卷之五

天津圖書館藏

天津圖書館藏

曹桂堂

樂府雜調

首看館藏

天津圖書館藏

曹桂堂

興隆祀

天津圖書館藏

天津圖書館藏

曹桂堂

稱朱竿揚朱絃。鳴鍾朗鼓各在懸。月建酉日次丁。牲

全體成告于庭。解一又哉斯道淪以失。天啓神聖我祖

出用夏變夷。四海一遐土之人。炳文質。解二昔者子欲

居九夷。百世之下。乃享于茲。猗與斯道。垂憲靡遺。解三

浩浩皇皇。八荒九州。罔或靡知。罔或靡由。曷知曷由。

我祖之休。解四

羅女曲

大復集卷五

羅女年十五。自一好顏色。素雜山花。挿髻當首飾。

鬢方立門戶。男女多生涯。昨聞城中市。女出男在家。

上市買黃絲。染緝作花布。裙短衫袖長。不惜雙脚露。

夜行山中道。何處吹蘆笙。我歌連臂曲。曲罷動郎情。

動郎情。與郎匹。生女復長男。三年始同室。

落葉哀蟬曲

落葉哀蟬曲者。漢武帝之所作也。李夫人早夭。

思之不已。為作此曲也。

寂寥兮寒闈空。惟兮晝低。若有人兮感羅衣。竟恍惚

兮往復來。涼風飄飄兮吹王。以葉颯兮鳴蟬。哀有

鳥嗟嗟永離乖雙棲比翼兮何時諧。

剡溪歌

溪之水兮幽幽誰與子兮同舟舟行暮入山陰道月
濛濛兮雪皜皜千載重尋戴逵宅溪堂無人夜歸早
乘興而來興盡休君不見王子猷

悼遠辭

并序

侍御顧君祖存元先生生括弗祿死天弗塋侍御
君追念後先言既淚下景明君同年友也哀其意
作悼遠辭曰

矯矯龍蛇兮沒於泥沙嗟苦先生兮獨罹此嗟遠彼

大復集卷五

三

月家

修路兮驥驟不力美璞弗器兮良田不食嗟苦先生
兮獨罹此極

倚柱操

并序

倚柱操者魯漆室女之所作也漆室女倚柱悲吟
鄰人問曰欲嫁之女曰吾憂國傷人心悲而嘯豈
欲嫁哉遂自經而死予哀其志援琴而托其聲焉
免則有豈兮鳥則有羅國無人兮將柰何心之憂兮
豈曰予未有室家嗟嗟室家非我營兮我生曷榮兮

戰城南

戰城南戰不息朝戰城南暮哭城北積尸累累肉腐

東府至此遠勝
居人

鳥不食。放馬澤中。雪沒馬腓。沙寒草枯。不得馬肥。北風夜吹。胡兵四圍。我欲上馬。馬瘦不馳。我欲射箭。弓硬不開。但語城中親。汝出收我骸。戰城南。君莫悲。猛虎嚙人。翔於山。垂欲食虎肉。不避虎威。男兒立功。橫行四夷。生當封公侯。死當白骨歸。

巫山高

巫山高極青冥間。翠綰參差十二鬟。神女仙裙佩纓動。行雲飛入荆王夢。含情流盼輕煙中。玉床瑤枕薦君宮。紫羅白縠垂香風。恍惚魂散莫與同。微霜銷落高立樹。哀猿孤吟鳥雙去。荒淫淪戒竟何為。暮雨冥

冥歸古祠

芳樹

芳樹離離。朱華而綠滋。華滋雖云好。秋風暮來吹。秋風不足卹。華滋亦有時。嗟汝枝上鳥。汝去將安歸。美人何方至。貽我江上華。秀彩奪人目。胡為在天涯。天涯雖榮好。不如常在家。

關山月

關山月。夜照青海頭。白骨征人怨。紅顏少婦愁。少婦含嚔望月來。月明流影洞房開。歲暮機中懸素出。夜寒燈下剪刀催。年年搗衣明月秋。明月還隨灤水流。

閨裏空教看破鏡沙場不見大刀頭

琳池歌

琳池歌者漢昭帝之所作也

木蘭為楫文梓為船青荷為蓋衣紅蓮宮娃側坐揮
繁絃淒風嫋嫋飄素秋飛花委葉承波流霜露夜下
不可留

招商歌

招商歌者靈帝之所作也

高館闐兮曲池通乘舟夜逐荷葉東持荷作蓋不障
風持荷作衣難為縫金瑄王鳧響秋空欣婉聲長持

夜終

大復集卷五

四

公無渡河

公無渡河河濁不見日汝今欲往何時出公無渡河
河廣浩無涯往而不返化為泥與沙夸父渴走成鄧
林至今丘塚猶岑峯河中蛟龍見人喜縱有舟楫誰
救爾噫嗟嗟公無渡河渡河而亡不如陸死噫嗟嗟
公無渡河

明妃引

明妃絕色世無鄰粉黛那數三千人咫尺宮門接前
殿君王尺向圖中見當時自恃如花容美醜誰知由

畫工單于日近漢日遠萬里風沙魂不返琵琶馬上
再三彈翠袖朝啼關塞寒皓齒明眸葬胡地千秋遺
曲猶悲酸燕支暮雲白浩浩胡兒吹笳雪飛早山前
孤塚高差幾歲歲春風長青草古來抱節本難遇况
復蛾眉人所妬君不見長門宮不用黃金買詞賦縱
有朱顏君不顧

短歌行

冉冉秋序蕭蕭霜露蓄我旨酒召我親故烏歡同林
水歡同源矧我同鄉胡能弗敦耀靈西藏明燈在室
更長夜良可以繼日園有藝菊庭有樹蘭秋芳是悅
春榮曷觀高陵可升海水可測出門異路安知南北
生年幾何去者日多子不我樂聽我短歌

銅雀妓

墓田望不極松栢夕離離存生有歡怨亡沒詐同思
井幹日已摧總帷寧復施衰榮互相謝身後徒爾為
苦寒行三首

天地黯閉塞冰霜皓崔巍寂寥高城側鬱律見古臺
烈風夜中起飛雪千里來烏羽沉不施獸口噤不開
虎豹竄穴窟蛟龍俱凍埋六龍銜白日寒苦光不迴

石裂南山下，水結中河流。莽莽北郭外，死骨聚如丘。
貧士被毛褐，寡婦無完裯。寧知貴公子，絲竹宴朱樓。
方辭白羽扇，更御青羔裘。

三

天風日夕厲，海水不揚波。飛雪被千里，層冰白嵯峨。
嗟汝窮閭人，無衣當柰何。錦裘長安兒，白馬鳴玉珂。
象弧插彫韞，射獸西山阿。

塘上行

蒲生寒塘流，日與浮萍儔。風波搖其根，飄轉似客遊。
客遊在萬里，日夕望故州。鸚鵡鳴歲暮，蟋蟀知凜秋。
暑退厭絺綌，寒至思重裘。佳人不與處，圓鬼忽四周。
房櫳淒鳴玉，紈素誰為收。白雲如車蓋，冉冉東北浮。
妾得雲中鴈，尺帛寄離愁。

放歌行

天命諒靡易，富貴安足陳。自昔慕豪勝，重義還輕身。
整轡逾鞏洛，驅車入咸秦。立觀青雲上，馳步要路津。
射策報明主，投書干大臣。身為五侯客，家與七貴鄰。
杯酒縱經過，冠蓋羅逡巡。顧盼生光彩，吹噓借陽春。
各矜意氣好，自比骨肉親。時事多變異，交道亦湮淪。
要盟等金石，棄擲同灰塵。赤心不足恃，白頭更如新。

歸來嗜藜藿，偃仰隨松筠。始知葵楹耳，不若蘭桂辛。
願從白屋士，請謝玉堂賓。

鴈門太守行

壘壘高山，莽莽代谷。城邊風起，沙漠漠。城內惟聞奏
胡樂，太守下車買牛息戈。陶氏禮義，朝絃暮歌。北歷
黃沙磧，南遊白草原。五馬何秩秩，朱英導文軒。嗟哉
太守亦孔武，時時較獵西山下。

梁甫吟

君不見泰山高高，梁甫在其半。古來封壇禪地無宮
館，崖崩壁圻鐵鎖斷。秦碑漢碣何人看，自從生人開

大復集卷五

七期卷三第甲

九州九十六帝行，權謀虎豹咬食龍蛇憂。朝翻暮覆
作雲雨，立談坐笑生戈矛。鬼神來往仙不死，塵埃萬
變扶桑流。君不見田疆論功爭二桃，齊門三丘埋野
蒿。又不見魯連辭賞輕千金，却秦救趙何雄豪。眼前
無人辨曲直，身後聲名更何益。拂袖空憐蹈海心，護
車枉負排山力。梁生五噫歌莫哀，東絕梁甫觀蓬萊。
千年雲開錦繡壁，五色日抱金銀臺。瀛洲方丈列仙
占，文成五利何能驗。徐生入島竟不回，博士儒生盡
坑塹。我吟梁甫君振衣，世路崎嶇多是非。琅玕芝草

海岱曲，釣竿拄杖從今歸。

採蓮曲三首

青荷畫舒白露晞。未光照耀含素蕤。綠房翠蓋偃參差。紅妝皓腕映漣漪。齊聲一氣歌豔辭。桂舟蘭楫紛屢移。佳人羅帶宜風吹。

二

岸上有柳隰中有荷。舟中女兒勝吳娥。為君先唱綠水歌。起攬長帶垂織羅。鴛鴦雙棲翡翠過。下渚日暮多風波。葉密花稀愁奈何。

三

急歌太短緩歌長。清風夕回素雲翔。雙鳧飛起向橫塘。荷花不言空斷腸。明月宛轉流西方。月中白露沾衣裳。紅顏青鬢安能常。萬歲為樂莫相忘。

獨漉篇

獨漉獨漉。驅車折軸。不畏折軸。但畏車覆。茫茫者猶生彼中衢。雖有蘭蕙。當門則鉏。同行竊金。相顧道左。我實不知。彼則畏我。食荼知苦。食梅知酸。狐裘之蔽。可以禦寒。有虎斑斑。伏于林下。我欲射虎。愧無勁弩。肅彼北風。渡彼中流。豈不懷憂。與子同舟。

白紵歌七首

齊紵越羅霜雪輝。吳刀并剪為君裁。鳴璫垂珮行相

儀且步雲館。升月臺。珠纒列座。瓊筵開。秦箏慷慨趙
瑟哀。含淚歛嘆。一作笑君莫猜。

二

鳳樓十二連繡衢。雕楹刻桷耀城隅。朱紫絳蠟豔紅
葉。金盤玉羞奉。君需美人隔坐曳華裾。主稱萬年為
歡娛。上客翠蓋停踟躕。

三

千金買笑萬金買歌。明珠白璧豈足多。長眉窈窕揚
秀蛾。輕身起舞垂纖羅。悲絃急管鳴相和。三星低戶
月沉波。銀箭金壺奈夜何。

大復集卷五

九

四

吳娥白紵為舞衣。鏤花綴葉紛葳蕤。青春爛熳白日
輝。輕帶一舉長袖施。皎如流霞隨風飛。游龍宛轉翔
鵠迴。傾城絕代人共希。

五

手中色絲舊所治。青紅碧綠當自知。衆中不語心向
誰。感君厚恩私念之。東流之水不西馳。泰山在前不
可移。紅顏白首奚足辭。

六

北里搗鐘東鄰撻鼓。吳歛越吟邯鄲舞。恩義如山金

如土遺簪墮珥不復數窮冬夜長樂未闌流風迴雪
滿楹前不惜皎潔為君妍

七

白玉瑣闥黃金堂
蘭煙蕙火薰象床
雕屏羅列組帷
張繁膏列炬舒華光
橫蕭挾瑟步曲房
朱唇素齒發
浩倡願為比翼雲間翔

苦熱行二首

火雲崢嶸連赤阪
白日苦長不得晚
庭前井乾生赭
煙炎埃晝起高塞天
侯家陰洞帶流水
紗幘白晝淒
風起美人冰盤薦朱李
道上行人多渴死

大復集卷五

十
夏三首

晝眠苦多蠅
夜眠苦多蚊
炎霞執霧蒸
網緼四體拘
促何由伸
仙人桂宮接
蘭苑下望青松踏
幽巘我欲
從之諒非遠
塵世何堪遂
仰偃

鳴鴈行

鳴鴈鳴斯其音嘹嘹
江路遠遙念汝離漂
鳴鴈于飛
肅肅其羽遵彼脩渚
實維汝所洞庭增波
沙朔多風

無邛爾躬飛斯鳴斯
求蒲與稗無俾霞雪

高木有枝我思我朋
嗟哉可遺

行路難

牀有織綺。篋有織素。請君視綺。還視素。憐新不如莫。
棄故。罇中有酒。盤有殮。聽我為歌。行路難。眾中歡樂。
多志氣。豈知他人不得意。白日有時不照地。安得保
君常不棄。

二

天河熒熒西北轉。織女牽牛不相見。由來天上亦別
離。何怪人間有悲怨。世情薄。惡衰賤。駕車騎馬有
人羨。少年不得君愛惜。紅顏勝人亦何益。

三

高樹鳥不集。常有東西向。北風君子來。所畏好惡不。

大復集卷五

十

續集卷五十一

合常相攻。拔劍欲有適。前有虎兇。後虺蜮。抵節徒歌。
行路吟。高飛未有橫天翼。

四

我發行路歌。諸君請勿譁。嚴冬霜雪雖可畏。三春草
木自榮華。人生富貴各有時。不勞辛苦更咨嗟。百年
冉冉寧復多。白日速如東流波。眼中世事只如此。生
前不樂將柰何。

東下何纂纂

種桑北墻下。棗熟委路衢。行人競取食。居者守空株。
憶昔棗初赤。傾路且停車。棗當今日盡。誰能少踟蹰。

天命誠不易榮落互相渝功勳本積累傾奪在頃臯
聆我叢下言貧賤可久娛

何大復先生集卷之五

大復集卷五

十一

讀仁利四十六

何大復先生集卷之六

樂府雜調四十一首

俠客行

朝入主人門。暮入主人門。思殺主仇。謝主恩。主人張
鐙夜開宴。千金為壽。百金餞。秋堂露下。月出萬起。視
廐中有駿馬。匣中有寶刀。拔刀躍馬門前。踞投主黃
金去不顧。

河水曲

河水何濺濺。暮采河邊蘭。君隨河水去。我獨立河干。

車遥遥二首

大復集卷六

一列七 二百五

馬急車遥遥。望望車塵滅。但聞上車語。不得下車別。

二

寒鷄嗥。嗥知夜半。隣翁舂粳。婦炊飯。僕夫聞雞趣車。
起欲明。未明行十里。火輪飛出扶桑霞。羲和騎龍鞭
日車。君看日亦無閑時。我車安得常在家。

隴頭流水歌三疊送劉遠夫行

我欲望長安。隴坂高蔽天。隴坂高可陟。隴水鳴濺濺。

二

盤盤上隴車。斑斑下坂馬。我非虎與兕。使我行曠野。

三

長安有高樓，不見隴西州。可憐隴頭水，日夜東北流。

下陵曲

上陵風以雨，下陵月星露。

一作上陵有風，兩下陵有星露。

不見西陵

宮，但見松栢樹。朝行西山曲，暮至長安道。長安車馬多，風吹陵上草。

直路行

直路難行，直言難受。邪徑捷足，莠言悅口。直言如矢，聞者畏憚。如射曲巷，鮮不折幹。直路坦坦，不可避難。大夫史魚，死以尸諫。汲黯抗言，不冠不見。輪扁之言，桓公是悟。焦不避烹，秦皇霽怒。猛虎在前，不為我言。

大復集卷六

二

虺蛇在後，不為我告。二世自闕，遭害于宮。號君怒御，枕塊道中。不忍其憚，寧忍其亂。苟畏爾耻，必視爾死。如藥弗潰，其疾必遂。如矢不直，不能貫革。小人惡直，君子是持。神之聽之，終獲其釐。

海山謠

斷鬚立浪，海水裂蜃魚。食日日，五色海中靈氣變。莫測白晝，須臾風雨黑。彭祖夭，巫咸滅。龍伯死，精衛絕。山亦可搖，水可塞。

秋江詞

煙渺渺，碧波遠。白露晞，翠莎晚。泛綠漪，蒹葭淺。浦風

吹帽寒髮短。美人立一作江中流。暮雨帆檣江上舟。夕陽簾櫳江上樓。舟中採蓮紅藕香。樓前踏翠芳草愁。芳草愁。西風起。芙蓉花落秋水魚初肥。酒正美。江白如練。月如洗。醉下煙波千萬里。

瑤瑟怨

美人竹間亭。虛簾空月華。相思湘江曲。淚竹生斑花。花開爲誰好。花落不復掃。出戶見春風。低頭怨芳草。坐彈五十絃。起視江月殘。愁絃不堪聽。手澁金鴈寒。一彈正淒切。再彈轉嗚咽。三彈撥幽腸。聲亂冰絲結。西風吹芙蓉。一夜落舊紅。豈知瑤瑟音。能消青鏡容。

大復集卷六

三 蔣應賓三百

黃頭郎

黃頭郎。爾母侮。殿上天子憐。府中丞相怒。爾雖有銅山運。去銅如土。黃頭郎。爾母侮。

黃鵠歌

請君勿誼諱。奉君黃鵠歌。黃鵠一飛去。翱翔天之涯。我欲致此鳥。雲中無網羅。安得生羽翼。從彼凌丹霞。山川遼以邈。不歸當柰何。

烏夜啼

啞啞烏啼宮井霜。殘月半落明星光。城頭吹笳已復罷。宮中擊鼓殊未央。

竹枝詞

十二峯頭秋草荒，冷煙寒月過瞿塘。
青楓江上孤舟客，不聽猿聲亦斷腸。

采葛篇

野風吹葛葛逾好，縮霧縈煙青嫋嫋。
谿迴水白雲石蒼，石根引蔓百尺長。
越婦腰鎌赤雙足，褰裳行歌入中谷。
朝日未出霧露寒，花繁葉密採掇難。
年年績絲作絺綌，奉以服君君莫敦。
君知衣葛好，不知採葛苦。
白日畏逢蛇，月黑畏逢虎。
君不見吳王宮中細腰女，日向歌筵着白苧。

大復集卷六

四

精慮真
三百九

霹靂引

石湫黝黝黑雲夕，蛟龍夜起隨霹靂。
盤空殷地出絕壁，驟雨飄風怒相擊。
空中將將下矢石，千戈萬馬俱辟易。
飛鳥墮地委如積，古檜長松盡遭劈。
吁嗟乎阿香深山巨海胡弗往，短蜮脩虺無翹翹。

刺促篇

刺促刺促井燎不續，雖有場苗室則靡粟。
羅雀務獲，不言其多。見彼淵鱗，或言其苛。
跣夫逐鹿，坐者食肉。苟一需百，百爾莫足。
譬彼乘車，弗率坦野。驅馳不已，或敗爾馬。
河有伏呂，蛟龍去之。相彼有明，孰逢其災。

前有鼓樂後有冠盜方言方笑不敢以告執鼠不力
或傷其手彼虎彼兇矧不以走有蓬其樹其腹之枵
豈不休息維顛在朝

處州別駕行

處之地山水迴處州別駕賢且才別駕來郵吏馳騎
連連鼓鼙雷城門大開別駕來別駕來御四馬雙麾
在前高蓋娜娜入有列戟出有負弩吁嗟別駕才且
武江之水去悠悠兩帆揚別駕舟處人來迎申人留
嗟別駕安以適彼安以去我

種瓠詞

大復集卷六

五揚三百九

種瓠東園內瓠葉從風翻綠蒂飄長帶素花密以繁
雖無百尺根枝蔓自纏綿兩露冒時澤陽暉被朝暄
竊比女蘿草附身托高垣綠吟齊結食豈貴充盤飧
願為連理杯長以奉君歡

雙燕篇

雙燕何翩翩飛去仍徊翔依依止畫閨繾綣鳴東廂
昔來屈陽節今去易寒涼抵恐秋風高海路多煙霜
雙飛入君戶雙栖在君梁被蒙君仁惠彈射不相防
養雛毛羽成送雛還故鄉雖無黃雀報歲願巢君堂

去婦詞

爛爛竹竿。釣魴及鯉。魴鯉可食。竹竿何以。子有錦衣。莫忘布襜。子有旨酒。莫忘糟糠。賤妾嫁君。所期偕老。紅顏難長。倏已白首。白首雖可。出不念紅顏日。

種麻篇

種麻冀滿丘。種葵冀滿園。孤生易挫悴。獨立多憂患。當行思故旅。當食思故歡。先機失所豫。臨事徒嗟嘆。升蕭艾乃至。鉏耒致傷蘭。物理有相附。疇能識其端。斷金俟同志。抱玉難自宣。交結良匪易。君當圖未然。

月食篇

仲夏月食月半缺。仲冬月食食之既。皇皇下民亦孔。

大復集卷六

六 楊五百年

之悻燁燁其魄。有物薄之。彼盈而微。實度之宜。今此下民。孰使告爾災。嗟嗟亦悻孔哀。有烈其風。自伊天阻。雲旗載揚。滕警奏鼓。率彼下土。訴于帝所。訴于帝所。先復于天。光復于天。其明罔愆。照臨爾下民。

國士行

漆身為厲。吞炭為啞。更名入宮。廁變形伏橋下。雖不襦。解。猶得斬讐衣。生有國士名。死為壯士哀。

誰謂河廣行

誰謂河廣。濁不見泰山。盪水之清。可別姝與妍。清濁苟異。小大安足言。君子知之。衆人皆茫然。

下宮行

下宮兵來圍朔妻。置兒袴中兒不啼。一索不得當再索。孤兒那可活。嗟杵臼爾為朔客。我為友。立孤誠難死。何有嗟程嬰。女當徐死難當事。爾強為難我為易。千金詐賣趙氏子。真孤乃存杵臼死。復趙社嬰刎頭報死者。

易水行

寒風夕吹易水波。漸離擊筑荆卿歌。白衣灑淚當祖路。日落登車去不顧。秦王殿上開地圖。舞陽色沮那敢呼。手持匕首摘銅柱。事已不成空罵倨。噫嗟嗟燕

大復集卷六

七列 達 三百十四

丹寡謀當戒身。光也自刎何足云。惜哉枉殺樊將軍。

君子有所思行

一字起十字止

猗君子有所思。居高無民不如守卑。衣錦負薪入市見唾。神龍在洿淖。反為魚鱉譏。鳳凰不得地。翻身避群雞。騏驥雖能千里。逐鼠堂上不如狸。丈夫秉性天所定。流俗是非何足移。水中馬與陸地之魚。曷謂失所。置能久須寧。為地上特生之野草。不能為茂樹負巖墻而居。

燕啣泥

君不見燕啣泥。為巢哺雛常若饑。雛有羽翼各自去。

安能久在梁上飛。丈夫出處亦如此。貧賤富貴皆人
為。燕啣泥不慮哺雛勞。但慮衆雛飛不高。

養蠶詞

桑葉青蠶始生。桑葉莫莫蠶白滿箔。今年女兒道蠶
早。晝夜照蠶恐蠶老。浮萍生葉麥落花。風簷綠絲鬪
鳴車。君不見簇上蠶乾死。老蠶成蛾又生子。

嗟哉行

老烏能啄牛能觸。嗟哉世人互傾覆。自徹其藩盜入
屋。同病者憐。同憂者嘆。梟子奪鳳衆雞不安。何得同
類反相殘。彼梁可逝。羿可避。禍福由人。豈天意。君不
見虎雖有爪。鴻有翅。

大復集卷六

八

雙鴈篇

錢水部世恩在宦。夫偶日夕哀吟。其友何景明為
作雙鴈篇寄之。

雙鴈雲中來。雍雍揚揚鳴音。念子中路散。一飛與一沉。
冥冥江湖道。思歸苦不早。昔為並棲禽。今為特飛鳥。
飄沙戀故浦。別流思故河。奈何同蒲水。翻作異派波。
鳥悲多苦音。客悲多苦言。絃爾孤桐琴。操我雙鴈篇。

莫羅燕

羅雀莫羅燕。燕飛在高殿。殿高且深。誰得見。主人垂

幕高殿中。燕來徘徊不敢進。楊花落。燕出啄童子。張羅逐黃雀。黃雀入羅燕入幕。

牧犢行

黃牛遇虎南山下。夜見白石心中怕。牧童牧犢畏虎欺。挽弓避之不敢離。削竹為簇蒿為箭。射虎恨不穿虎皮。嗟汝虎。爾勿欺我犢。我犢有日頭生角。

城畧陽

扶風令城畧陽賊未畧陽令走藏。扶風令為登城喚抽刀。擔衆衆不散。三日抗城。一日戰。戰不利。兮生縛見。見賊罵賊危不變。畧陽城人盡為鬼。畧陽令生扶風死。守臣上奏驚天子。君不見扶風令死對公卿。嗟爾畧陽之令胡為生。

潘節婦

二十君辭房六十妾在堂。紅顏為婦白首孀。昔日抱女今已亡。風火炎煙黑鄰里。相救失顏色。未亡之人安所從。義不避火天。返風噫嗟嗟。妾雖有身君無子。身未化石心不死。

高城行

高城巖巖山百堵。白日樹旗夜懸鼓。將軍戒嚴太守武。城下賊來城上發。弩樓軍轉石。城人負土噫嗟嗟。

城完家可全城破家為虜傳與城中人但保城莫閉

戶

南山篇并序

宏器為思親卷子為作詩文及今八年矣宏器得
貢將入京復以此冊求子詩遂為是篇

朝采南山白石盤盤風來吹葛葛葉幡幡豈無枝蔓
念我本根翹翹栗薪靡考誰藝緝緝葛絲考則靡服
蓀蓀澗魚在留麗麗昔用為殮今用為祭上陵折松
下坂折柳遙遙遊子勿以行久月不恒處日則有酉
瞻彼日月思我父母

大復集卷六

陽南一百三十二

轅下駒

轅下駒鳴聲一何悲豈無萬里志踟躕安能施詰曲
羊腸坂纍纍大行谷車輪不行白日歿仰思王山意
超忽君不見八駿日行萬里馳煙掠景誰能拘吁嗟
手轅下駒

何大復先生集卷之六

何大復先生集卷之四

五言古詩五十首

武陵 以下後集

武陵一何長，遼遠不可測。高林多悲風，慘澹日無色。
黃鶩啼我前，白狐跳我側。蛟螭蟠深淵，下見奔雲黑。
沙蒸水亦毒，我僕饑且蹙。辭家忽踰秋，適此萬里國。
土風日以殊，川域邈無極。伏波有遺響，吟餘轉悽惻。
何因托橫吹，一寫千載憶。

桃川宮四首

神宮轟飛觀，結構俯層丘。上翳萬年樹，下映千尺流。

大復集卷七

一五二八十六

仙蹤久已沒，百代傳其由。荒塗橫白雲，寥寥安可求。

二

谿谷多青氛，朝暮不可知。雞鳴洞中樹，輕暎散華池。
白石流丹液，靈葩耀朱蕤。誰能學丹術，遂使塵網離。

三

石洞無遺構，空巖長松桂。入深忽已陰，升高稍知霽。
山光晚多姿，谷響秋轉厲。緬懷避秦者，一往成永逝。

四

溪中何所有，磊磊多白石。紫參生其陽，青松植其北。
遠林商氣清，絕巘夕光白。何當發雲奏，招我吹簫客。

自武陵至沅陵道中雜詩十首

承明播宸渙西適蠻夷州。艱哉武陵山古道何悠悠。
狹谷不容憶水中無行舟。仰探虎豹窟俯瞰蛟龍湫。
徘徊還吾馬中心悵慄憂。脩程尚延旦我行何時休。
二

群山何逶迤環峙如百城。其上于青霄其下浮雲征。
幽沒千萬態倏忽殊陰晴。撫茲豁心目頗慰羈旅情。
三

亭午入大谷烈陽經中天。樹木多鬱蒸石圻起焦煙。
掘地飲我馬數尺不得泉。僕夫告飢渴揮汗墮馬前。
安得萬間厦坐使清風延。
大復集卷七
二
五

暮投界亭驛候吏迎我前。息徒茂林側飲馬山下泉。
落日四巖陰餘映高樹顛。坐久吏人散濁酤聊自延。
四
五

驅馬山上行山高何巍巍。修阪接飛翼百步仍九迴。
俛視煙靄中衆山鬱何壘。茫然望四海萬物亦已衰。
昔我別京國朱華猶未希。歲節忽復易何時當旋歸。

六

大壑百餘尺流水浩湯湯。我行路中斷欲渡無橋梁。

誰為理舟楫石亂不可航改轍上危棧登茲千仞岡
臨深古有戒側足以徜徉

十

叢薄被烟臯徑路紆且微秋風振喬柯綠葉漸以稀
日入羣動息林深衆響歸君看棲枝鳥大小必相依

八

山深多樹木百里人民稀時有四五家茅茨隔山陂
沙田不可耕何以禦歲饑門前數畝園祇收蓬與藜
平明出汲澗薄暮始得炊童稚那敢出但畏逢虎羆
草黃納晚禾桑綠催官絲嗟爾遠方人辛苦誰具知

九

大復集卷七

三

卷七二百九

山勢行轉促連峯相貫輸窈然林莽中乃復得坦途
青壁結煙靄縹緲凌虛無層阿秀嘉禾下覆清水渠
夙志好幽僻覽茲耳目娛公車雖少延顧盼忽已踰
安得鼓清瑟日坐山之隅

十

谷轉岡漸平策駕循陂陀遙望辰陽城枕山帶長河
飛甍若鱗次居人亦何多按節駐江館登眺崇山阿
南衢聞夜絃北里揚朝歌誰云接夷域文物殊中華

懷化驛芭蕉

芄芄芭蕉葉植此園中央繁綠布重幄層陰蓋高堂
孟夏日初赫蕭森蔽炎光衆賓御華館四座借虛涼
四序互更謝南陸回朱陽窮秋多風雨寒冬多雪霜
危叢旦夕茂綠葉日夜黃本無松栢固安用誇其長
徘徊視草莽零落同一傷

花崖梧桐

桐生何猗猗其葉何油油白雲蔭崇阿朝日照高丘
感此雨露滋愧彼蔓草儔鳳凰久不至琴瑟誰可求
吾將緼繁絃庶以宣我憂

清平令

大復集卷七

四
卷之三

清平縣之令不識何為者庭前長野桑庭後長山攢
猛虎上我城青狨啼我舍昨日出城去騎馬到部下
部民道遮之持刀殺其馬入門顧妻子所居無完瓦
秋風吹樹木白日落原野永夜空城中哀哀淚如瀉

平越

清晨發平越霧暗山益密僕夫各相戒路遠恐迷失
薄午游氣清參差衆峯出雞鳴谿谷中始見崖上日
雲葉分杳冥高原被華實秋風起叢林興感乃非一
悠悠遠行遊歷險難具述

新添

朝登七盤坡，復下九折坂。長風飄落日，杳杳前山晚。
征夫行取薪，夜入碣中飯。仰視飛鳥還，載觀浮雲卷。
還顧望鄉邑，日與親愛遠。公家尚有程，安能速言返。
平埧城南村三首

朝出城南村，策馬入荆杞。村中八九家，烟火自成里。
兒童候晨光，稍稍荆扉啓。四鄰務收穫，時復披草語。
肥肥何所云，但言好禾黍。

秋陰結林霏，細雨洒茅室。牧放止近郊，牛羊不相失。
廣園散花林，平疇藹風日。長幼不出門，咸知戀儔匹。

大復集卷七

五

吳金三百卷

喧喧車馬中，徒為慕高秩。懸輿當何時，可使志願畢。

三

沉沉古陂水，日暮寒更綠。隔陂見居人，蘿蔓纏草屋。
摘禾留客飯，採薪發秋木。童稚持竹竿，雨中放雞鶩。
區區化外國，猶得覩淳樸。

晉定

鼓絕掩山城，空堂思超忽。孤燈明夕帷，悄悄涼風發。
落葉何飄蕭，飛螢互明沒。客牕臨古寺，坐待微鍾歇。

城南婦行

城南有寡婦，見客泣數行。自言良家女，少小藏閨房。

青春嬌素手，白日照紅粧。父母偏見憐，嫁我不出鄉。
前年彌魯亂，腥穢入我堂。弟兄各戰死，親戚俱陣亡。
嗟我華豔質，忍耻罹克強。憂愁雲髮變，辛苦朱顏傷。
昨聞故夫在，息消通兩方。百金贖我身，三年歸舊疆。
歸來門巷異，人少蓬蒿長。轉盼夫亦死，兒女空在傍。
薄田無耕犢，寒臘無完裳。人生固有命，妾獨遭此殃。
况復官軍至，燒焚廬井荒。主將貪賄賂，百死不一償。
朝廷自有法，出師亦有名。妾身何足道，無乃乖天常。

平夷二首

滇南八月中，綠林何萋萋。居人亦相輾，數里聞鳴雞。

大復集卷七

六 卷之三十三

路轉無詰曲，山行少攀躋。回瞻貴陽道，咫尺蹊壑迷。

二

夜宿平夷館，風悲氣始淒。月光皎東壁，白露寒螿啼。
憑高視中原，但覺衆星低。長路心益壯，浩歌天之西。

涪萬

孟冬氣始肅，葉落北風涼。寒水歛溝壑，餘輝照橋梁。
方舟下涪萬，所歷非一疆。崇朝越千里，川塗渺蒼蒼。
浮雲帶城邑，壯麗逐且長。况多古人迹，覽之心慨慷。
登遊豈不美，滯淫非我鄉。

泊雲陽江頭玩月

扁舟泊沙岸。皓月出翠嶺。開牕鑒清輝。照我孤燭冷。
高林散疎光。遠渚接餘景。縱橫銀漢迴。三五玉繩耿。
絃望幾更易。客行尚殊境。佳期邈山嶽。端坐令人省。
涿鹿道中 以下家集

高城鬱蒼蒼。水路多荆棘。日氣夕以陰。遊氛浩無極。
城邊古時丘。宿草蔓于域。樹木何蕭蕭。狐狸鳴其側。
訪古思軒轅。嶽峯何由陟。伊昔奮龍戰。明明庶邦式。
神馭飄崑湖。烏號緬玄德。遺踪邁荒野。盛烈存茲國。
誰云戡亂功。不俟干戈力。風雲變俄頃。明晦古難測。
薄暮窮林中。怒馬長太息。

渡白溝

大復集卷七

七 易正文三百五十七

春行傷旅思。單車悵蹉跎。晨眺黃金臺。夕渡白溝河。
求賢不可見。血戰竟如何。落日古原下。悲風入浩歌。

叢臺

邯鄲多俠士。趙地產名娼。日夕高臺上。歡宴殊未央。
黃金飾舞榭。白璧綴歌梁。安見千年後。空令春草長。

五平五仄體

秋原何蕭蕭。耳目去雜葺。枯荷猶穿塘。苦瓠尚抱隴。
寒風吹空林。落日照古冢。徘徊觀陳蹤。露下髮忽竦。

迎霜降

烈風揚雲旗，鼓角悲廣路。庭前玉樹枝，昨夜微霜度。
幽人躡葛屨，出戶履寒素。胡當戒堅冰，及此歲將暮。
冬雨率然有二十韻

北風吹零雨，冬熟雪不作。二儀黯澹交，百川莽迴薄。
沙霾翳白晝，遠望何由豁。六龍墮青冥，萬象淪玄朔。
羲和扶日行，紆轡竟馬託。神媧補天裂，鍊石恐遺落。
兩伯誰為誅，雲師爾何惡。前者十月交，震雷轟城郭。
岸條俱含柔，園卉亂吐萼。農家忍朝飢，歲暮食籬雀。
豈無數畝禾，狼籍委秋雹。徵求皮肉盡，枯骨待剝剝。
妻孥在眼前，四季不得樂。胡因見陽春，所慮轉溝壑。

大復集卷七

入 易正三百五十一

閒居值泥淖，展矚翻蕭索。雖無長者轍，自閉寒士閣。
長陰下脩簾，暝色起孤岳。噓啾後栖鴉，悵望暮歸鶴。
世途紛轉蓬，生計倚叢藿。永懷昔人駕，冥心付寥廓。

發京邑四首

弱冠遊 皇邑，抽翰預時髦。出入承明地，四海皆同袍。
浮歲奄七徂，徇名虞所遭。夙疴糾織質，褊性憚形勞。
駕言返初服，行矣遂林臯。轉蓬戀本根，羈鳥思故巢。
自顧無脩翼，安能久遊遨。

二

驅車出郊門，杖策遵古行。返顧望城闕，引領內懷傷。

崇京霁霄漢逶迤一何長雙觀臨馳道群宮儼相當
迅飈激櫺牖游雲起縱橫漢道值全盛纓綉爛輝光
側觀青雲士鳴珮候來翔梁生何慷慨遼遼悲未央

三

親交遠集送欵策西山陰前瞻太行道却顧上苑林

青陽萬廢墟春氣感鳴禽所遇豈殊故即事自成今

一作所遇豈殊
時即日成古今

平時等榮樂一旦異浮沉昔者同袍

友邈若辰與參山海去靡極年運日相尋倉卒杯酒

間寧不傷離襟

一作惻惻
傷離心

四

大復集卷七

九

漢魏元四

行邁越長甸歷歷懷苦辛嘔歎陟立隴髣髴望郊園
墟里接雞犬井邑無閒人暄陽入廣陌臚臚周原新
百城豈不美風土非我鄰遙遙矜鄉域言念故所親
代越各有性所願還其真胡為去桑梓鬱鬱冒風塵

渡河

夙征肇延津明晨臨大河洪源下積石砥柱屹嵯峨

渺渺梁宋區汗漫縱經過自非陵與岸於安障其波

揚帆赴中流四顧莽無涯崇雲徂廣澤迅風夕吹

積陰不可測魚龍偃相加前無千尺梁一葦胡

人生寡恒居奚異波上槎豈無舟楫志漂泊當

評下

伊昔炎漢季，西京方遘患。宮室燒燼盡，乘輿播草間。
劫遷留茲域，荆棘滿頽垣。橫流一以濫，大厦寧復完。
豺虎互馳噬，鷓鴣厲飛翻。日月屢薄食，風雲變無端。
嗟哉衆君子，杖策起周旋。荀公誠偉士，弘思濟其艱。
陳琳自南至，王粲亦西還。從戎藉雄辯，騰步有榮觀。
良蹇豈同御，鳳鶩不共餐。功名安足為，明義乃高賢。

還至別業四首

雞鳴高樹杪，狗吠墟里間。家人望車徒，遠客造門端。

入門問所親，上堂叙悲歡。行人暮飢渴，

一作

黍燭具

大復集卷七

三首上

盤餐明月照西戶，三星爛中天。出門踐野草，白雲候
已溥。十年苦行役，茲夕方來旋。寧知非夢寐，忽忽心
未安。

二

詰晨親友至，筐篚携所需。各言平生懽，念子久離居。
綢繆語未畢，展席臨前除。園榮亦已抽，况有盤中魚。
人情倦懷土，富貴豈常於。無為泥形迹，所願恒相俱。

三

依依入鄉閭，惻惻歷故疆。行邁踰幾時，所見忽以更。
成人匪故識，蒼齒日凋喪。平生所同歡，轉盼殊存亡。

羈魂邈遐域，旅柩歸中堂。人命不相待，奄忽如朝霜。
撫事感今昔，喟然熱衷腸。

四

弭駕及春暮，比屋事耘耕。時物展遐矚，契我遺俗情。
故林茂以密，敞廬亦將成。芳蘭冒紫葳，園柳尚垂榮。
澤葵蔓廢井，瓜田依故城。策杖衡門下，仰偃遂平生。
所願在怡親，餘者奚足營。世情惡衰歇，天道遞虧盈。
馬四豈不貴，翻覆坐相傾。

七夕二首

逝節忽不處，佳夕復我臨。神飈汎光蕙，渥露沾華林。

大復集卷七

十一

樂府古詩卷

緬彼牛女會，茲端竟難謀。形影惜相望，胡由接徽音。
飄飄翠龍駕，髣髴青瑤簪。長河坐移轉，素波歛西沉。
靈彩歛以晦，游雲起層陰。同歡戀膠漆，異處悲辰參。
翹思慕遠匹，感此涕流衿。

二

舉俗慕良旦，好尚各有趨。高樓曝紈綺，貧女無繒襦。
移時曜靈沒，素月復已舒。群居侈歡宴，長坐獨愁吁。
愁吁亦何為，同禍與我殊。春徂秋未返，膏沐誰為娛。
仰視河漢女，相違復來俱。要知比翼乖，各阻天一隅。
乖離有重觀，母使寸心渝。

水曲納涼

乘月玩清夜，漱流滌煩疴。竹栢夾脩水，微風揚澤荷。
苔陰皓露溥，素鱗躍于波。柔條紛斂結，勁葉亦隕柯。
優游蕩情志，俯仰丘中阿。雖無朋儕和，興言自成歌。
娛樂當及時，千秋豈復多。

雜詩二首

西陸移脩晷，素節多寒陰。端居屏管慮，淒氣慘人心。
浮颺委時卉，零露傷青林。仰見孤雌翔，玄鳥無遺音。
蟋蟀何愁苦，終夜長哀吟。感物興慨嘆，憂思孰能任。

二

大復集卷七

十一 雜編二百五

駉輝在西山，返景流東陽。解欣被光灼，何能待須臾。
重陰肅萬物，樹木日夜踈。葦一作植幽闥，含榮耀
前除。佳人眇雲端，何由致區區。常恐霜霰至，委棄不
我需。

何大復先生集卷之七

何大復先生集卷之八

五言古詩五十六首

六子詩

并序

六子者皆當世名士也予以不類得承契約
輔志勵益者多矣病歸值秋寤嘆中夜有懷
良友作六子詩

王檢討九思

王君青雲姿志豈屑丘壑名家出杜鄩少日遊宛洛
奮身匹文鴛戢羽巢鸞閣興文燭雕龍揮翰凌玄鶴
雅志在四海隨時偃經略馳情繼謝眺日晏吟紅藥

康脩撰海

矯矯龍頭士騰躍在明時羣遊慕豪放棲志固有期
赤驥鳴烟霄不受黃金羈揮毫御清讌浩思隨風飛
鐙前激高倡顧盼孰與希究古摘遺編頗好班馮薛
良史久無稱斯文當在茲

何編修塘

中州產名俊河内天下士平生飽藜藿學道歷杜齒
至樸歛華蔚微文陋雕綺守淵安可窺馳辯詎能止
洞悟超先幾微言析玄理曲高難為和行獨寡知己

古轍多藜蕪非君誰予起

大復集卷八

一
黃
三
雨
全

李戶部夢陽

李子振大雅超駕百世前著書薄子雲作賦追屈原
新章益偉麗一一鸞鳳騫華星錯秋空燭火難為然
搗文固無匹投義罕比肩抗志冀陳力危言獲罪愆
握瑜不得售寶棄誰為憐仲舒貶膠西賈生亦南遷
古來有遺憤非君獨哀嘆

邊太常貢

世士多戚促器識寡蕭散太常何瑰瑋坦然破崖岸
祥煙拂瑤壇瑞日轉華觀出入諧鸞鸞頽頽在霄漢
芳詞灑清風藻思興文瀾陽春誠獨步清廟獨一作徒

大復集卷八

一
卷八
三百二十一

三嘆金奏響不虧王樹開逾燦閑居檢遺篇落篋得

兩一作玩

王職方尚綱

職方吾益友契誼鮮與同少齡負奇氣萬里飄雲鴻
手中握靈芝高操厲孤桐讀書邁左思識字過楊雄
為辭多所述結藻揚華風寸心素相許撫志慚微躬

十三夜對月

閒居愛明月良節復與俱金魄麗秋闈皓彩揚雲衢
澄空斂霜烟清颺蕩中區徘徊廣庭內改席臨方除
顧景怵衷慮興心念居諸天道遞消長戒之在頌史

懷謙可久安。盛滿豈恒居。孰云質靡盈。所貴光不渝。
十四夜同清溪子對月

林塘枉佳客。待月欣舉觴。今夕勝昨夕。已見生東方。
離離絳霄側。冉冉素雲揚。踰時灑氣澈。縣耀天中央。

仰視渺難即。忽覓

一作覺

在我傍。清池含微波。左右灑

流光。月行固當望。人會何能常。與子各鄉域。邂逅臨
此堂。良時不屢值。明月安可忘。醉歌吞永夕。和我窈
窕章。

十五夜高鐵溪同沈清溪趙雪舟馬百愚過敞

居對月

大復集卷八

三

四三三

端居撫盛節。春茲金素中。上客弭飛蓋。惠然慰幽衷。
圓景舒東隅。忽復周層空。重輪爛五色。繽紛結文虹。
流輝接瑤席。絳氣鬱以葱。衆賓侈佳醜。聯篇挹華風。
情好在明月。安問膳靡豐。弦望有恒度。明陰變無窮。
人生非比翼。豈得常相同。所願御此觴。聊以娛夜終。

十六夜月

日夕城烟斂。列宿出復多。開軒望明月。展席流素波。

圓輝雖少虧。猶能遍天涯。單居

一作說

不為樂。念遠徒

咨嗟。美人越崇京。高樓結綺霞。浮雲暮長征。何由覩
光華。迅飈萬里至。霜霧日以加。坐憂桂枝歇。委落同

泥沙清輝苟相照豈慮天路何

一什

十七夜月二首

夕望月已減雲飈蕩其側月減不足憂盈虛本相值
胡為蔽氛霾坐使清光匿踟躕久延待慘景鬱無色
燈前理鳴絃瑤徽為誰拭思我平生友道遠不可即
素書委篋笥安得雲中翼滄海多波濤長陰浩難測
何當廣餘輝一照萬里域

二

更深月復明揚秀青雲端浮飈倏以寂長川靜波瀾
徘徊廣除下白露樓崇蘭仰見城西接迴光照文軒

大復集卷八

四

三

樓中織綺女延頸獨哀嘆哀嘆未終已素河橫西山
逝鬼不長望玉貌寧久妍君母吝光惠使我芳歲闌

擣衣

涼飈吹閨闥夕露淒錦衾言念無衣客歲暮芳寒侵
皓腕約長袖雅步飾鳴金寒機裂霜素繁杵叩清砧
哀音緣雲發斷響隨風沉顧影惜流月仰盼悲橫參
路長魂屢徂夜久力不任君子萬里身賤妾萬里心
燈前擇妙匹運思一何深裁以金剪刀縫以素絲織
願為合歡帶得傍君衣襟

悼往

行雲不歸山，逝水難重迴。與子一為別，流光倏如推。
形神往無存，夢想弗克諧。孤冢日荒穢，幽泉翳窮埃。
重扃一以閉，千秋寧復開。時至展遐沉，傾醕澆黃萊。
還思平生居，歲久生夕苔。寒風吹空閨，彷彿鳴玉哀。
人生重恩義，况茲比翼乖。何能著新歡，棄擲故所懷。
贈望之五首

遙遙京洛客，承命發華輶。朝辭冀州野，夕泛黃河流。
雙旆翔汝側，駟馬登故丘。故丘鬱以長岡隴，茂松鬱
車徒耀城郭，親戚迎道周。丈夫事四方，州閭寧久留。
王程在須臾，顧念但懷愁。前有盈觴酒，為我且綢繆。

大復集卷八

五

天定三年

二
清晨送遠人，弭駕北城隈。北城一何脩，前臨古時臺。
俛仰故鄉域，一如平生懷。季冬嚴風發，積雪皓皚皚。
念子徂遠路，鬱結不能開。中林寒卉寂，樹木何摧頽。
安得春華敷，採掇以相貽。

三

驅車策良駟，北上遵太行。升高睇崇京，宮觀鬱_{一作}蓬_{一作}蓬。

相望前瞻碣石湍，俯見東海疆。壯觀局宇內，高志何

激昂。孤鴻暮_{一作}務_{一作}南翥，奮翅起隨陽。黃鵠遊四海，胡

為悲_{一作}戀_{一作}故鄉，何能有羽翼。從子俱翔翹。

昔子當北徂，值予復南旋。相違踰幾時，世事倏推遷。
訪舊半存亡，誰能不摧顏。浮雲歲暮征，餘曜銜西山。
居人念川塗，行子戀鄉關。平生雙龍劍，乖別何時還。
志士重明德，窮達奚足歎。願君勗令名，相期在盛年。

人生寓大塊，聚散如颶塵。昔為同稠好，今為異鄉人。
孤獸鳴索偶，翔鳥求其群。戀故各有慕，何況骨肉親。
子當被華紱，結束事明君。我當守蓬室，聊甘賤與貧。
去住各努力，良覲會有因。

大復集卷八

除夜二首

今夕復何夕，偃仰茲歲周。懸膏耀室隅，中饋進芳饈。
雖無車馬客，親戚自相酌。遊魚安深淵，翔鳥止故丘。
所歡在桑梓，餘者何復求。逝節不重至，來者難預謀。
長跪奉此爵，延年樂千秋。

閒居知時節，習靜觀卷舒。日月無恒處，念往寡歡娛。
歲徂浮雲陰，積雪皓中衢。豫章產江濱，孤蕙敷山隅。
芳烈雖靡虧，遐遠寧見需。所願勗明德，庶以酌居諸。

御溝連上苑，大道接平沙。紫陌三千騎，青樓十萬家。
城中楊柳樹，風起暮飛花。

二

日出洛城裏，歌鍾起四鄰。朝遊桃李蹊，暮踏車馬塵。
遊絲罥白日，冉冉愁陽春。

三

秦氏字羅敷，馮家名子都。妝成臨勸酒，曲罷坐當壚。
白馬金吾子，青絲提玉壺。

四

明姿彌二八，生長紫羅帷。對客舞垂手，邀人看畫眉。

大復集卷八

七

今朝仲春日，日照影臨芳池。

五

粲粲東城子，盈盈南陌姝。自矜夫婿貴，翻笑使君愚。
日暮採桑去，空迴五馬車。

六

翩翩五陵兒，藉綺冠華簪。常懷雙寶劍，詎惜千黃金。
馳馬章臺下，紅塵不可尋。

七

蘭燈列滿座，繁炬灼朱光。富貴傾南國，佳人出北方。
畫堂翡翠帳，夜夜鬱金香。

八

高臺一作樓臨萬戶朱構耀城隈共藉鴛鴦綺雙持鸚

鵝杯春風樓下度一夜百花開

擬古詩十八首

冉冉歲逾邁念君長別離別離在萬里道遠行不歸

鷓鴣慕儔匹鸞鳥東西飛思展雙羽翼奮起凌天涯

向風長哀吟欲舉中徘徊川途浩無軌霜一作雨雪愴

以悲願因駐馳景得覲君光儀

二

婉孌城東妹懷春一何早朝遊採桑陌暮止垂楊道

大復集卷八

八
卷三百八

自矜全盛時復恃顏色好王貌隨年化安得不枯槁

昔為園中英今為路傍草路傍多車馬採掇難自保

三

名都有高樓上入青雲端脩城延曲隅阿閣交重欄

佳人理清曲當戶橫朱絃揚音綵一作冊霞裏令顏誰

不觀賓客會四座絲竹哀且繁日中車馬至薄暮皆

言還聽曲各言好知音良獨難誰為同心人並起乘

雙鸞

四

壘壘北邱山松柏何俯俯松栢有時摧人命安可留

朝為華屋客，暮沒歸山丘。浴中多豪貴，藹藹皆王侯。
高臺臨九衢，上有百尺樓。宅第儼相望，軒車絡如流。
存亡不預保，富貴安所求。不如邀我友，乘馬被輕裘。
遨遊百年內，永以忘戚憂。

五

藹藹東園內，綠林萋以繁。車馬自成徑，桃李終無言。
昔日東陵侯，種瓜青門前。既貴亦及賤，變化更無端。
俗夫寡恒態，志士多苦顏。豈不策高路，高蹈遠且艱。
良無萬里風，孤翼誰當援。

六

大俊集卷八

九吳李百八

朝日照中庭，杲杲春載陽。東風吹綠草，蝴蝶雙飛揚。
歲華坐婉婉，白露憐以傷。予美不在茲，所懷浩難忘。
豈無芳桂枝，含香誰為明。

七

淒淒仲秋日，百卉腓以殘。涼風入階樹，零露摧庭蘭。
明月皎東壁，昆蟲鳴草間。孤鴻暮安適，哀音揚雲端。
言眷平生友，振翮起一作孤鶩。遺我若逝波，望子如

高山托忱在，終始蓄久諒。逾宣寸心不可移，磐石誰
謂堅。

鬱鬱山上松高枝布天涯上有女蘿草纏綿誓不移
葛生蒙於楚浮萍寄清池貴賤雖殊途附託各有宜
伊昔侍君子朝夕奉恩私馳心在皓首何意中睽離
窮年守房室常恐踰良時思君如日月所冀光不遺

九

汎汎東流河嫋嫋河上柳春風暮飄搖花飛不相守
柔條欲攀贈何堪入君手惟有南山桐可以遺我友

十

圓如天上月光輝尚當缺與君非一身安能不乖別
關山日悠遠舉步難可越君如雙車輪妾心如車轍
相隨萬里去繞繞何時絕

大復集卷八

十 吳郡三十一

十一

清晨秣駕馬整駕遵路衢遲徊覽故物憐惻心以紆
昔時千室邑今為百年墟郭郭蔽粉楨狐兔翔城隅
人生寓大塊飄泊寡恒居諒無金石壽終與草木俱
一身不自恤安用顧其餘營營慕富貴辛苦誠為愚

十二

長安多豪俠白馬一何驕金鞍競絡繹寶劍相招邀
招邀狹斜道青樓鬱岩峩樓中妖豔女輕綺揚飄颻
皓齒激清倡逸響干層霄浮雲散城邑白日隨驚颺

十三

熒熒桃李顏華早仍先凋結交苟弗宜誰謂識久要
 人生百年內胡為形所役登高覽九原但見松與柏
 徘徊故里間念我平生戚斗酒相存問度阡復逾陌
 上堂展殷勤華燈永今夕何必傾庶饁濁醪聊與適
 朱顏難可常鬚髮會當白徧觀四海人誰為不死客
 良時弗為歡衰暮嘆何益死者長不生者長不息
 日月更相送萬古安所極素絲有蒼黃岐路多南北
 在家常相問出門安可別落木歸本根飛鳥戢羽翼
 客遊在萬里終當還故域

大復集卷八

十四

朝宴高堂上賓友相追遊
 厨人進豐膳妙妓揚清謳
 處世無百齡為樂苦不周
 多財為患害駟馬招愆尤
 安如王子喬高舉凌九州

十五

歲暮寒風至蟋蟀夜鳴悲
 高樓有思婦嘆息不自怡
 良人行未返孤妾守空閨
 衾裯卷不一作下寢羅帷誰
 為施君如東流水妾如西馳暉
 形勢不相及彼此何由諧
 結髮重自念携手期同歸
 秋華殞故林尚復揚光輝
 願茲各努力毋忘榮盛時

迢迢孟冬夜悲風鳴北林嚴霜被野草宛轉時欲寤
佳人又隔越曠若辰與參方舟不利涉欲往江湖深
客從南方至遺我綠綺琴願因雲中翼寄子瑤華音
膠漆不為固金石安足諶明義苟不虧歿齒當一心

青鳥來北方徘徊朝南翔美人傳書至開絨爛生光
貽我機中錦宛轉成文章上織比目魚下織雙鴛鴦
物厚意不薄感激獨一作傍徨裁為衾與裯置在黃
金牀君子不為御三歲聞馨香一心奉光惠常恐若

遺忘

繁霜降秋夜膏火寒無光凌風舉帷幄素月流中房
客行在殊境一作君子獨處誰與將仰視天上星羅
列皆成行牛女獨何辜箏箏守河梁嗟無凌風翼欲
去不得翔引領長太息泗涕徒沾裳

仲連初歷國排難能解紛飛書下燕將立談却秦軍
不受萬戶侯長揖千乘君始稱天下士終為海上民

子房號人傑，像貌非魁偉。報韓志已成，翊漢功亦美。
出奇掉三寸，決勝在千里。一遇黃石公，還從赤松子。
望郭西諸峰，有懷昔隱無發鄙志。

游龍戢淵鱗，翔鷺振雲翮。潛姿媚幽深，遐羽忌拘迫。
頃來稅塵銜，秉性嗜探歷。連山秀我里，幸茲睠昕夕。
橫天巖巒疊，映日蒼翠積。涉波緬洄沕，攀岑若咫尺。
流目施遠堦，寫棕翼孤石。嘉邈懷伊人，俯仰慨今昔。
霞構象丹崖，烟蘿裊青壁。秦本作丹崖象霞傾耳谷
中音，希蹤雲外迹。興性性感彌深，即景無與適。豈

徒藉虛觀，終然契冥寂。

大復集卷八

十三

遊西山二首

晨登山上樓，暮望河上道。飄風塞埃塵，積雨浩行潦。
山人苦相留，此道何擾擾。虎狼夾路啼，鴻鵠逝不早。
石泉聊足飲，糲飯亦可飽。引乃平生親，綢繆叙中抱。
行遊白雲林，倘遇瑤華草。携手托相贈，歲寒永為好。

二

勝地不可多，良遊豈在屢。茲山秀靈域，曠望契心許。
崑崙碧巖際，縹緲青蓮宇。鳴泉瀉丹壁，白沙亘迴渚。
眺心佇冥寂，况有塵外侶。吾當與爾曹，翩翩接高舉。

立春日作二首

謁記春候至，天氣和且清。端居撫流化，允愜靜者情。
浮陽起叢營，流烟散孤城。岸條發潛穎，園卉含初榮。
寫襟曠明霽，覽物紆游行。目悅雙飛雉，耳感孤鳴鶯。
形運自相代，神理誰為名。徃規與時逝，來慮隨年并。
心存漢陰灌，躬敷南陽耕。䟽還念知止，莊論持達生。
自非秉昭曠，能不嬰世營。

二

鳥鳴知天曙，冰泮知天和。寒崖變吹律，陽渚發鳴籥。
溫風戒旦至，淑氣應時加。申矚暨昏旦，馳情赴幽遐。
連峯睇初景，不杪眺孤霞。陰雪被高岑，瑣波瀉平沙。
辨候氣有異，觸物理無涯。撫已寡朋與，懷任獨長呀。
徒攀春岸條，未采中林華。情愜賞不遺，心曠迹自賒。
允矣敦夙游，不愧在澗歌。

田園雜詩二首

習宦非我長，官久計轉拙。遭斥還田廬，獲與初念協。
樹藝良有期，農事固堪悅。飄飄綠原風，晶晶明川月。
披襟恣吾適，既夏不知熱。回思行役日，寒暑靡得輟。
踈懶古雖鄙，任性亦可率。膏疇矧豐蔚，積潦復淒冽。
白日皎在茲，停雲靜如結。為謝二三子，努力慰衰劣。

去官今七暑漸與農務親隨宜諳

君野入

時或適微風行歌響空榛先民邈何反既馬傷我神
慨傷適誰知所有三二賓文論日往來炯炯高義申
炎雨回衆整涼颺起脩吟兀然林木下日入忘歸輪
玄蟬夕益聒去鳥一何頻野行長多露無便侵衣巾

大復集卷八

十五

何大復先生集卷之八

